

滇文丛录

卷六十九
至七十三

滇文叢錄卷六十九

雲南叢書集部之八十八

傳誌類八

楊西邨先生傳

萬重質

先生姓楊名德容字若愚別號西邨滇之純儒君子也其上世系出關西元末有昇公者官大理木邦路總管子寶公官大理路治中因家焉世職指揮傳至慶公會明初元帥沐英平滇慶公率衆投誠仍命襲前職卜宅晉寧之西隅是爲遷晉始祖厥後奕葉俱無僂德至我朝以儒業顯者三世乃及先生先生生而朗慧有美質且純孝六歲失恃哀毀如成人祖弼公篤愛之口授以孝經小學略講大義即解悟稍長從學於舅氏孝廉段公碩明經公雍皆州中名宿也尤器重之十一應童試文已俊拔十七領弟子員冠軍愈肆力於學二十六食餼明年舉於鄉始先生入五華日閉戶研經不通聲氣及連課高等衆始詫異爭與訂交焉先生亦遂推誠相與和意藹如未幾而先生舉矣又十年赴選銓授大姚教諭履任後與諸生講貫經史雖祁寒盛暑披吟不輟都人士莫莫繼起正未艾也無何丁父漢潔公憂匍匐奔來毀瘠骨立幸喪葬俱如禮服除歷署昭通永善平彝教職多士皆以先生學品兼優負笈詣

業者履常滿迄今能文章著政績不乏人也時比之胡文定蘇湖之教云乾隆壬寅有劍川學正之命先生以繼母蕭年高請終養事畢調河南虞城宰以疾歸疾愈補正陽令甫下車即謁漢徵君黃叔度墓新其祠宇意在隆先軌勵風節也爰詔諸生而告之曰爾知學之所以立僅在勤記誦擅文辭而已耶徵君去今千三百年猶令人景仰思慕不置者何故於是出清俸聘名儒即邑之奎臨書院而作興焉日與諸生究極理奧諄諄以黜華崇實立品敦倫爲本務而諸生亦爭自濯磨如教諭大姚邑時時正陽邑志未修先生力董其事凡邑中山川人物之美忠孝節義之行無不光世宙以貽來許至其愛民如子勦強翼善姦宄斂蹟而一切訟獄虛衷研鞠務得其實情而後已以故人無冤滯咸稱之曰神明如解邑紳王鍾齡兄弟積年之怨終歸於好除邑民兩姓狐媚之妖而霹靂奉令並禱兩禱晴有求必應諸事尤嘖嘖至今弗衰者嘉慶丙辰以後楚匪猖獗兵差絡繹先生調劑有方百無一誤而賊衆波興雲擾舉豫省鄰封州縣遭其荼毒惟先生素得民心獎以大義得義勇千餘名於要隘處竭力防守民賴以安事竣議叙以軍功紀錄繼奉委查看信陽州蹂躪受災之處先生不憚勞役身親賑濟民感其德丁巳夏忌匪猖亂戕官劫獄變起倉皇正

與息辱齒邦也先生臨事不懼盡心籌畫申文請勦招集前此義勇人名飭令要隘處堵禦遂拏獲戕官首逆鮑六切獄首逆盛勳越囚重犯周秉義及在案多人有株連者概行省釋先生日辦軍務夜理案牘毫無舛錯以至形容顛顛猶懼其有未及盡心者凱旋奏聞以軍功加級候陞先生歎然曰循吾職分未能報稱萬一也何堪此此蓋歷任來爲國爲民興廢舉墜有功於世道人心之大略而先生年幾七十矣既蒙覃恩贈祖父母及父母如其官並得申其弟婦節孝予旌表時嘉慶庚申之秋竟以計典解印綬正邑士庶如乳者之失母感憤太息思攀轅而不得乃相與製衣傘樹旗杆額以如慈父母其聯曰失此仁人吾將安仰樂只君子民不能忘懸之公堂先生惶然不自安而卒不能辭於是僚友諸公協輿論爲序贈以鄭重其別擬於雋不疑之厚二疏之勇僉謂知言自先生之歸念二親久棄養首營阡兆松楸蔚然歲時治具集諸親黨展墓下依依嚮慕也澹泊自甘生產不治乃睦族治鄰周貧恤困令人鑒其意鍵門窮典故日手一編課諸子以學行訓諸青衿執經問字虛往實歸者累累也先生爲學不屑屑雕蟲而詩文皆匠心獨詣輒削其稿故存者絕少論曰儒吏與俗吏之迥乎別也則爲己爲人之分耳程子云古之仕者爲人今之仕

者爲已慨哉其言乎西邨先生之爲司鐸臨吏治也雖古循良何以加而竟以罷譴也則嫌阿之不能剝民奉上之不可而俗吏之不諧也其罷也有爲之援者矣而戀棧之爲恥也脫然去矣而民且思之弗忘也仕途巧宦之子進以揮霍陟黜退以矯飾博名其視先生之繫民思孰得孰失必有能辨之者

任母黎孺人孝行傳

萬重質

孺人姓黎氏適任公鳳貢士占甲之母孝廉觀國廩生興國之大母也生而端靜且純孝齡年即能事父母宗族稱其賢二十爲任家婦任氏固繁族也世長厚無佞德傳至本義公孝友篤摯娶李孺人生子五鳳公居次其爲人器局寬和忠信不欺自得黎孺人相敬如賓有鸛鳴警旦風焉當是時任氏昆季各已娶其娣姒以次奉尊嫜懿懿如閭閻如無甚差別也而得二老歡心潛孚於不覺者黎孺人爲不可及以故李孺人每恚怒時一聞黎孺人來欣然輒解此豈可以強而致者哉先是本義公溘逝太孺人亦已衰老以積憂故病消渴沉綿瞶聵適諸媳侍疾者輒不喜惟黎孺人日夜在視不敢須臾離遇糞穢身親洗滌不假他手如是者數年不克痊勞心焦

卑幼是猶其婦孺於歲暮必分給香祀天割其股脰湯以進太孺人食而甘之求再

進答曰餘不渙弗堪獻矣詰朝太孺人沉疴脫然神氣清爽閱三載享耄壽無疾終焉當大氣未盡時介婦某仿黎孝行亦廢股以進則不復能爲力矣論曰割股療親之舉世俗艷稱之達人君子不樂道爲其虧親遺體有不測之憂也雖然賦至性者當無可如何時真誠發露不容自己其視不孝之徒不大相逕庭哉如黎孺人之事舅姑於其存也視無形聽無聲先意承志暗與經合迨其危也百計千方恨不得以身代其至誠感通究亦獲濟謂之閭閻之英不信然哉

李金氏節孝紀實

戴廷魁

余與同里李翁廷棟相得秋杪夜集蟾魄如霜偶談及鄉曲節義往事翁曰若先邱嫂者可以無憾矣嫂氏金邑庠生霞胞姊年十六適我伯兄雲龍兄浮於典籍頻年止鄉塾館歲歸省者三四歸不過一二日輒去當是時家徒四壁立嫂擺擡家務若樹藝若織紵若瀹澹善承父母意無少忤能以恩誼撫諸弟妹及兄亡嫂年二十一無子息柴毀骨立眼枯心死或有欲奪其志者乃曰天有二乎奈何負我九泉人則毀粧謹言笑無故不輕出戶庭事垂白親益力歷二十年如一日竟以守節終終於乾隆之丙申年時年四十有八余聞之而嘆曰若李生者可謂篤志矣至如孺人殆

無聞於父母昆弟之言者蓋棺論定然哉退而詢於母大人母曰信然是人也吾雅愛重之溫而而端莊古烈女不能過吁孝爲順德愉色婉容惟溫和者能之且端莊者內必嚴凡物欲不得以相誘故能節於以激薄俗維頽風有餘矣因筆之以俟修乘者之發潛德云

先祖勉贈公傳略

先大父諱徵相字朝佐爲雲蒼公□□處士藻公之季子也生於康熙庚寅卒於乾隆戊申距今三十有五年矣嘉慶丙辰以覃恩勉贈文林郎安徽寧國縣知縣龍章寵錫洵足光泉壤而慰幽靈而瀟重有感者則以先大父之碩德懿行爲不可沒也吾家祖籍江西自雲蒼公而下一經世守克紹箕裘迨處士藻公家道中落入贅毛門生三子長曰有年承外祖嗣次德慶中歲云殂三則勉贈公也公賦質醇謹孝友性成其事曾大父母也瀟未及見然與人言及二親每戚戚焉有蹙容則知能色養而力或未逮也至於待伯兄則已身不沾毛門田產仍割艾門祖屋與兄亦可見其篤同氣而念天顯矣居恒儉樸不尚浮華羶衣糲食泊如也有暇時或與二三耆舊講論倫常時至夜半無倦色蓋其天性然耳若夫取與然諾在在必謹嘗憶親申中

有田因差累而欲舍以相贈者或勸受之公正色曰彼素封也尙不能支我何累及子孫耶後受之者子若孫果爲所累其見幾明決而臨財毋苟類如此教家則耕讀爲上經商次之嘗謂諸父輩曰讀書是大好事然必衣食足而後禮義興故人不可不知稼穡之艱難也家居無事往往行吟隴畔觀田間作苦可不謂敦崇本務而罔敢暇逸者乎其教灘也時甫六齡即令朝夕侍側口授句讀逐字講解歷寒暑風雨罔間雖出就外傳而得力於庭訓者爲多挑燈夜坐輒拊膺而嘆曰予苦志名場輒爲鄉先達所器重究未獲一青其紆是誠畢生遺恨今老矣無能爲矣所望以光前裕後惟汝汝其勉之讀書非徒取科第要在崇實學而立眞品以期有造於國家汝所讀書中如某人某事可爲法戒者須宜深省即雲蒼公所云希聖功夫以誠字立脚以勇字下手此語尤當三復也一脈書香迄今四十載靡忘公四子六孫而濂爲長自愧未能繩武然回想杖履依依如昨謹即童時所見聞者紀其略以補家乘用表先大父未竟之志且使我後人知祖澤爲孔長云

高竹漪先生墓銘

艾濂

先生諱清字玉署一字要堂竹漪其別號也祖籍江左明洪武間其始祖某公從穎

川侯南征以功授大理衛世襲百戶越某世祖岐鳳公有殊績封武節將軍本朝定鼎仍防守上關城順治二年沙逆搆變佳裔公力戰終日被創身死當道者未獲聞于朝君子惜之後裁衛歸州世職乃寢代有隱德不墜家聲顏其堂曰善慶識者知發祥有自矣先生祖諱之梅英年不祿其繼室艾氏瀟之從祖姑也賦質慈和視聽贈公如己出以養以教俾克成名爲士林中碩望馳贈公亦克敦子道事繼母無忝所生且才識過人凡有義舉知無不爲如遷建學宮勤勞頗著宜乎有子克家得以光其燕翼也先生生而穎異博學能文弱冠補博士弟子員食餼州庠惜屢躋鄉闈未克一登賢書乾隆丁酉以優行入貢成均肄業報滿授騰越州學博訓課有方屢爲上游所欽重都人士咸瞻爲泰山北斗云庚申秋乞休歸里日惟杜門課幼子童孫時或賦詩以自樂一切公事悉不與聞州牧某公行鄉飲酒禮知先生齒德兼隆延爲正賓而先生謙退若不克當蓋恬淡之風有垂老而不易其操者竊嘗綜生平而論之性純孝事二親人無閒言喪葬如禮且樂善好施重氣節廣交遊鄉鄰有急難輒周恤之無德色至宗族子弟有質美而家貧者咸飲食而教誨之兼爲擇婚配完其室家如何亭夫子葵村世叔相繼擢取科貢實先生有以玉成之也其他負笈

門牆受甄陶者年多知名士即以謙之不敢并幸竊聞餘論仰持末光始克弋浮名而邀薄室是先生之成就後學可不謂教思無窮者與夫以先生積德之厚錫流澤之長而為子若孫者又復循循然守義方敦善行下至僕厮奴婢亦罔不率其教而効其忠廉每登其堂觀其家範竊卜高陽氏之熾昌正未有艾也德配揚儒人莊敬純一有古賢母風繼室揚孺人亦頌執婦道生子四為元配所出者三為繼室所出者一女三皆適名楣孫五人曾孫一人先生生於雍正甲寅年九月初十日某時卒於嘉慶二十一年十一月某日某時享年八十有四葬於某山祖塋銘曰

先生之德中正以則經明行修式于鄉國先生之學克宗濂洛多士景從無恙東歸先生之品尚彝夏鼎毫而猶勤冰淵是嘆先生之澤書香一脉子孫純純繼繼永隆絕

舒節婦傳

施甘霖

節婦舒王氏者寧海人舒傑之妻也其父為同里王成榮母李氏氏幼質樸有至性年二十二子歸舒氏益謹恪執婦道夫以貧編名行伍蕭然四壁而唱隨甚得素無詬評簪布衣木屐躬親井臼洵如也嘉慶初年歲饑穀價騰貴夫攜糧歸數糧而分貯之精鑿者供二人糠米自給焉適舒三年生子一夫因從軍九龍江遇瘴以歸遂

段氏負孤子經營宦室備極酸辛當是時姑俱七秩矣氏慟夫之未終親養也事舅姑倍謹雖華髮必投所好以哀年歲落多嗜粥糲以豆漿盞嗜食氏逆業淮南術午夜孜孜并晝間不輟婦如僕僕之舅姑感其勤而苦其節遣人諭之曰爾無夫我尚有他子即爾子亦可代撫爾堂無相累也氏涕曰婦之志尚不見信於舅姑耶從一而終命也亦性也既歸此門未亡人願得終身侍奉高堂以終夫子之職翁姑知其不可奪遂聽之貧無產業因貸於所親使織紡翁卒時與衣營兆婦如雖却之不可子漸長出就傅無力買書或假以舊本供讀師憐其乏饋穀不受事姑至八秩外始得咳嗽症在床褥者逾年氏侍醫藥調滑甘辛療姑疾越明年姑以壽終氏哀毀逾常合葬於翁從翁命也翁姑既葬教子彌篤越二十餘年而子有賢乃成立授室且抱孫焉氏性嚴正雖教幼孫凜凜不稍貸人以爲其苦節後宜昌即其家法子孫亦必無縱佚矣

程松亭妻誌銘

廖敦行

道光八年秋太守松亭程君以疾沒於閩其尊人月川中丞在京得訃泣而告余曰嗚呼吾子適是君與吾子交最久吾子之存心制行惟君知之最悉今將命子孫輩

狀極歸葬願乞君一賞以藏諸幽宮憶壬子歲松亭常次京師以余光與中丞交數
謁余既後遂遷甚慕余公儀之間與論修己治人之法輒心心相印私謂夢中丞有
君子而以君之扶持出而治民正未易量其所至也迺別甫七年而遽聞君訃世交
倖感燕以爲情切思論次其行事以傳之無窮藉又重以中丞之命雖不文且易敢
辭君姓程氏諱永休字德基號松亭爲中丞月川先生之長子生而沈厚篤實信古
好書讀書務實踐不屑屑爲章句儒每見古人嘉言懿行必誌錄而力行之嘗語同
志曰不如是非所以爲學也弱冠入都時中丞作全蜀南緣事歸職勸力海疆不
遑內顧家計蕭然君獨力支撐上奉母孝夫人下撫諸弟艱苦萬狀卒不使中丞知
李夫人寢疾君衣不解帶服侍堂室約歷三年如一日嘉慶乙丑李夫人棄養君拮据
喪葬事事如禮其時中丞雖已復官晉州牧而爲吏清白究不克顧及君吉料之餘
兼營貨殖教養諸弟及子卒使成立計自壬戌至庚午八九年間君之心力亦已瘁
矣而君矢志不衰有暇仍攻舉子業試輒前茅然脫于數者鄉試屢薦不售君念中
丞在粵無人侍奉迺令季弟道任而君與仲弟更番往省君至粵事中丞甚謹每一
寢一食必親寒燠之節中丞有所需必躬致之未嘗假手僕隸中丞歷任多善政君

每贊成之獨有疑獄中丞示君所業意多中機宜中丞嘆曰爾有吏才奈困於場屋
何而君謂為人窮達皆可自立終不以不遇戚戚也此中丞由郡守晉司道歷仕撫
軍俸入優厚君謂曰大人素念吾族多貧之思自以衣食之且吾郡多缺陷寧欲
修舉令其時矣中丞喜曰爾竟能成吾志乎然推行有滿堂由親及疏自近及遠在
事無義勝也汝時好為之君歸與仲弟約先將住屋改建宗祠置祭田並仿范文正
公義莊條約置常餘田租五百石以贍族人乃修學宮歷文昌祠皆拓其規模悉令
如制復捐金三千貫田增開南書院膏火以次達養老育嬰堂施藥施棺諸局並置
田以為經費使久而不替又以餘資因作河東渡夫工食修孔莊山北屯花魚等諸
庵石橋並建文峰塔而子景郡大饑君出貲平糶米價頓減錄君所置田及賑修施
賑諸事所費已巨萬而君心猶歉然也事竣人命中丞大喜謂君所為俱井井有條
進之即可及循吏矣乃為君撰例捐通判道先壬子選授浙江衢州府通判歷於浙
為瘠區而通判缺尤苦前官多規避君喜地之任者鮮君曰缺不負人竊恐人負
己也毅然赴任治事不稍懈通判與司水利每歲出巡役胥徒皆有過規君皆嚴
禁之本委外屬志公幹同官致禮一概屏絕上官茶若廉調署寧波同知稽察海口

出入君以爲需索然商省訟案無巨積士民怨戴公送高家生佛額以紀善政甲申夏
中丞奉命撫浙君憂疾迴避奉部調補福建巡撫上洋通判君之任奉職如有衝
爭時然其地負山阻水盜賊時發又五方雜處匪類尤多君訪有賭船三隻誘人入
局執破家向官厚賄官吏求包庇貪墨者利其息不究君嚴懲賄匪實於法收其船
入官而害以息迴編保甲設更夫盜賊斂跡復修堤岸以禦水患訓民課士百廢俱
興旋奉調至省局審案君見塵積山積每日晨入署歸盡心訊結一年而局案咸清
上官念君積勞許以調劑君辭曰審案係職分應爲之事不敢言勞固辭回任士民
見君便來問境攝虔而君亦愈勵清勤丁亥春中丞調撫山東知君爲政有方以閒
無所及不更擬爲尹伯理知何君聞信悲辭中丞諭之曰我非爲爾功名計爲爾心
計爾必知體吾言也上報國恩也君奉命定於本年秋來京省覲且候公而君遂
病不起長歿之前數日猶寄稟中丞以理居宅作高堂祀專祠並增置祭田或曰立
宗學等事娓娓長言儼然先哲名論所謂一息尚存此志不容稍懈者非耶若之何
而使君貴志以歿也君性節儉居常有衣蔬食珍奇古玩一無所嗜惟好周人之急
待人溫厚和厚與物無競然見有蹈非禮者又未嘗不正言壯論使其感悟也生平

非應務辦公執手下釋卷所輯有名臣循吏事蹟循良紀要圖教民錄教民法戒錄
禁溺女屠牛醫方等事皆足以傳垂而行遠噫其真可銘也已中丞有子如此亦可
以無悲矣君生於乾隆庚子年九月初六日卯時卒於道光八年七月初二日巳時
享年四十有九配紀氏例封恭人子四長洪源候選通判次濬源國學生次通源業
儒皆紀恭人出次福源幼側室吳出女二紀恭人出一字戊午科舉人選授大姚縣
教諭毓泰李公之孫次字癸酉拔貢候選教諭得侯林公之子孫三長潤林次金林
洪源出次瑞林睿源出以道光辛卯年六月初四日薨於觀音塘琵琶地之原銘曰
剛氣心騰珠光難晦磨礱不然南帶而卒繫驪龍於下位以極為戒凡有所說
人慨君過未識君功於家於邦作德已豐立德立功是謂不朽未竟其用何痛之有
蒙恩茂茂銀水湯湯蔡君於此山川有光矧君家世諱戰高張銘以誌之俾後嗣以
不忘

超恒先生傳

楊昌

先生姓牛氏諱疏麟字超恒其先晉之陽城人家於豐寧先生凡二世先生以沉毅
之學不解於研究文亦如其為人息深而達意處於夢中精利意醒能不遺一字而

勝於平時結紳先生重其節義乾江辛卯主司評其闕藝曰訓明如王山上行人敬復
此目鼓其勇而文日進而緣日堅以明經終老可數也先生美丰采隆準而豐頤
飄然出塵蓋喜友朋好信義裝藉後進肅然與俱先是專人相乾公以襄陽省官返
爲邑主簿至鄉會試獲金歲久寢微先生有隱憂適和廷齊太守治隱心殷興學知
先生望重所希與文曲意詢之先生卒以賓興對太守分給俸先生附焉邑紳耆
耆均感有所輸既集事先生上條約太守善之俸籍衣指曰善後非易易也惟先生
生之力是倚先生感且泣引以獨擔此嘉慶庚申歲事也自是營千金助兩試之資
赴試者日衆科目亦相繼增盛量累不日加爲馬太守邑人建祠祀之每歲值太守
幸日先生集邑士登休休輿者歷積金於祠收識已乃以牲牢享太守而聚飲焉仍
擇人壘權子母二十年不爽毫末富太守之蒞鎮麗郡也課士勤待士厚士風振焉
太守沒先生踵其意而變通之於書院考課之餘結玉泉文社仿春秋闡攻令三日
飯餐悉具自感厨咄嗟晚果終歲無間多佳文則喜不自勝益陰寓表裏培養之至
先生每有德音先移私金踵門送之曰爲賢太守餽賀儀也鄉里稱爲美談云余內
子處女也歸之歸後諄諄敬戒且曰夫子篤於學勿令以鹽齏紛改苦余深感之

先生沒為詩軌之有過物以誠徵所學峻財若命見斯人之可人以為親切語

李錦堂先生傳

楊昌

邑士之友於兄弟以全其孝者莫如錦堂李先生先生有同懷弟四人其天資率多雋爽早列膠庠者悉自口耳指授故能以文名郡邑餘亦善居奇自諳億中而苦於無貲父母愛之先生口美氏太布被於一人之任也往往備極經營俾得應選遂出自以從從孝養厥父母乾隆己亥舉於鄉久滯京華其楚珍閣學錢南園侍郎諸鄉先輩交以獎其才屢躋春闈屢心家計乃以申韓之學遊齊魯吳越間博節脩新舊焉而外頗囊助諸弟服買而衣下第旋里先後應鶴陽張刺史暨和逸齋太守之聘仍以餘資俾免居奇未幾為烏有先生平踰五十淡於仕進決志賦閒其主雪山讀席也課讀之下諄然教以孝友之道旁推而交通之言曰學而仕以祿養承父母之遺業也惟分財以為同氣乃為可貴每與諸生講論實子意曾督必請所與輒往復不已至陳實說歟王顯者叔說鄭莊諸輩至覺慨嘆可以想其不言之隱矣先生才敏學富志量高遠壯歲遨遊四方見聞益富識力日益增和逸齊太守倡捐鄉定才敏學富志量高遠壯歲遨遊四方見聞益富識力日益增和逸齊太守倡捐鄉